

رسالة إلى مصر

اياكى تكونى فاكراه لما تخنقينى هكرهك
ولاعشان على رقبتي حبالك و ف قبضتك
تجوعينى تعطشينى اقسى اوى مش ههجرك
مش هكفر بيكى بس والله لاعدل دفتك
ممكن اكره اللى حكمك اللى قساكى وبدك
ممكن بميزانك العادل القوم
دلوقتى و احكمك
فاكره لما نديت حريه وعيش كنت عاشق لقمتهك
عيشتيني بالعيش وحببت على ما تقفى ملحتهك
ونسيت ان اللى بناكى حلوانى بأحلوه شكلك

جريت جوه ميادينك اشحت من الدنيا حريرتك
شلت فوق دراعى حبيك وشلت ميتك
ضربتيني بعصياتك بقضبانك ببردك وميتك
ثوره وثورت موت وموت وتشهد بموتى تربتك
يا بلدى انا ابنك انا كفنك انا لفتك
انا حضارتك وسلاحك انا فاتح بارلفيك وسكتك
انا طينك بريحة تراك انا عبيرك ووردتك
انا درسك الاول ضمير وضميرك ليا قسوتك؟
انا الكرسي اللى وقع طغائك وبدلة بحريتك
انا اللى هان عليكى دمعته ولا هانت دمعتك
كفاياكى قسوه ،هدومى لو لمتها فى شنطتك
تذكرتى لو قطعتها ،اتقطعت عنى جنتك
فين حريرتى وعيشى فين ضحكى فى حتتك
كفاياكى تقطيع فى بدنى ،

لبسينى توب الفراعنه وكسوتك
خلينى ملك يحكم بأمرك مش بأمره وقسوتك
القسى زى ما تقسى غربتى جوه غربتك
بس والله ما هسيب السوس يسوس سنتك
يا عروسة النيل بصيلى بصه
انا اللى بجرى ميتك
ادينى من خيرك حبه ،
الحب اديتك انا فين من مهجتك؟؟؟